

左文襄公年譜

左文襄公年譜卷五

同治八年己巳公五十八歲

正月郭寶昌至韓城督所部逐宣洛回。回踰山走延長。合前掠延安、延川、回絡繹道甘泉入山。劉端冕與魏光焘迭出勞山牛武川要擊。回眾破散遺棄糧械山積。自是東北回氛略定。其西南竄出者復圖越秦州鳳縣以窺棧道。戊子李輝武自寶雞率所部馳赴大破之斬馘千人。是月戶部覆奏猶以陝甘常年軍餉與現在用兵餉需歧混爲言。公迺請於陝甘軍餉外別立西征餉名條具楚軍人數餉需以對。按原奏云  
楚軍馬步約共七十營每月約共需銀二十一萬餘兩每年約共需實銀二百五十餘萬兩。楚軍營制步隊每營連長夫共六百八

十八人馬隊每營連長夫共五百八十八人七十營內步隊五十五營馬隊十五營合共四萬五千七百餘人又文武隨員差弁夫役及遠近各局隨時添派人數無定共約五萬餘人馬約五千匹每人日食米一升每日需米五百石每月卽需米一萬五千石陝省市價大米及各省采買大米每百斤長跌牽算約需銀四兩上下麥麪粟米每百斤長跌牽算約需銀三兩上下弁勇所得薪糧食用外所餘無幾若長夫口糧三兩則弁食用亦且不敷營兵之難至於如此前年曾奉恩旨垂詢陝甘地方瘠苦勇丁酌增餉銀若干當可樂於從事經臣體察情形糧價正雜各殊長跌無定若將勇丁一口餉一律加塔富其平減徒增浪費當其昂貴仍虞不敷且議加增卽爲定制後來不繼裁減爲難故餉銀仍照舊章一日餉一兩加塔當其平減止扣價銀三兩其餘不敷之數均而於各軍每領官糧百斤准由臣作正開領以見在糧價尙平計之除運腳外每百斤約不敷銀一兩及七八錢不等每月合算卽不敷銀一萬五千兩有奇至馬乾一項原定每馬一匹月支馬乾銀三兩按陝西省見在市價每馬日食料三斤草十二斤計之月已需銀五兩有奇若追賊兼程崎嶇險遠尙須酌加餉養則不敷甚鉅畜馬之難又如此臣故於各營所領官發料發料柴草等項亦皆格外從減扣價每月計不敷銀萬餘兩凡此變

通辦法明知爲訓不應銷之款然地方情形不同不得不通  
融挹注以收飽贍之效總計米價馬乾兩項每月約需銀二  
萬餘兩每年約需實銀二十餘萬兩一采買製造各營所需  
軍裝軍火除陝軍甘軍經撫臣奏明由陝局供支外計臣部  
營所需軍火軍裝爲數甚鉅而洋礮洋槍洋藥洋火各項則  
陝軍甘軍概由臣局供支此項軍火由上海采辦而來價值  
昂貴其他軍裝所用如銅鉛鋼鐵以及櫻簾麻紙油漆竹木  
等項陝省一無土產無非購自遠方至於棚帳旗幟號衣例  
應半年一換前均由鄂臺製造轉運西安臣覺其繁重多費  
五議停上就省局製造工料物價相較實尚不如遠省之費  
省工良見又招募浙江工匠備機器來陝製造洋槍銅冒開  
花子等件以資上海購運之費而目前所費又復不資專就  
綢緞綢衣兩項有定之數核算每年即不下十餘萬兩其餘  
軍裝軍火需用尚繁無成數可以預計每年又需銀十餘萬  
兩二共實需銀三十餘萬兩一轉運陝省水路險遠勞費殊  
甚水路溯江漢溯黃河盡係逆流推挽陸路則夫運駄載峻  
嶺崎嶇艱難萬狀以目前主客各軍所駐之地計之除水程  
已不計外夫運以五十里爲一站駄運以六十里爲一站陸程  
至二十餘站不等所運之項以糧食爲大宗本省

兵燹之後產糧無多又須少畱民食以故各軍采買均係購自四川湖北河南山西等省計程總在千里之外合楚陝各軍及駐陝甘軍勇夫共七八萬餘人每日人食一升日需米七八百石水陸遠近牽算每石約需運腳銀四五兩卽月需銀十萬兩有奇其軍餉軍火軍裝等項均由上海水運鄂臺由鄂水運紫荆關龍駒寨等處然後陸運西安再由西安分途解赴前敵各軍爲數繁鉅多少亦難預定大約每月總需銀二萬餘兩二共月需銀十二三萬兩通計每年運腳需銀一百五十餘萬兩以上薪糧及變通糧價專就臣所部楚軍而言每年共需實銀二百八十餘萬兩其采買製造轉運兩項則楚陝各軍及駐陝甘軍并劉松山郭寶昌李輝武等客軍均取給於此自應由臣統籌分給計每年又共需銀一百八十餘萬兩統計西征實餉每年共需銀四百六十餘萬兩其陝甘各軍餉項及賑拯難民安插降眾開墾屯田等經費均不奏入戶部議歲增撥釐金三百萬兩公請在內

敕翰林院侍講學士袁保恆總西征糧臺駐陝西

上從之而仍令公總司甘軍餉事保恆前淮北督師袁公甲三之

子也二月回以屢敗乏食戊申糾眾三四萬踞正南南北兩  
原圖犯邠州三水併力以擾秦州黃鼎遣總兵徐占彪率二  
千人扼牛家堡自率全軍踵其後己酉同前隊至牛家堡遇  
伏驚退其夜黃鼎渡涇進軍上世店回騎數千驟至官軍整  
隊進寇反走追至白吉原回酋余彥祿馬正和等擁大眾分  
十數路前撲方分隊迎拒寇已四合迺爲方陳而前槍礮俱  
發寇傷亡相積漸引卻副將劉治均馳入斬其酋寇失勢潰  
走雷正館張岳齡分道遮擊皆有斬獲餘眾遁宮河壬子公  
進乾州議大舉進攻而湘軍告變初劉松山自永甯渡河設  
糧局永甯軍渡既由綏德前進復分軍畱綏德以次遞運達

靖邊軍士更番往返散布數百里間會匪闖入其中相煽爲變乙卯遽劫各軍入襲州城松山方屯靖邊安撫降眾已未聞變疾由瓦窯堡折南至清澗遣都將曹義勝先入綏德城中軍聞統將至清澗則大喜乘夜殺游匪百餘人軍士被脅者亦羣起縛叛卒馳送清澗其事遂定同時高連陞軍親兵丁玉龍亦以會匪陰爲回內應事覺跳走連陞捕之急壬戌糾營勇突入楊店營戕連陞脅各營盡變屯同官將桂錫楨急入城守次日叛卒至攻城不下折還桂錫楨出城會周紹濂軍追擊殺數百人先後反正者二千餘人其夜回果至山河鎮劉倬雲令軍士祥爲叛卒招之大殲其眾未幾各軍悉

捕反者至公磔之以祭連陞

書牘卷十是年與庫仁會書云  
丁卯兩逆臨刑亦云罪該萬死

弟作祭文累時已半夜正哀吟間忽一雀飛入幕中旋轉不去侍卒送之幕外旋又飛入以喙銜侍卒之手甚牢此非果臣靈夾式憑耶此案磔誅者五斬梟七十二名營擒斬者又以千計亦可慰果臣及諸忠之靈惟殺大鼠萬千烏能償吾果臣之命耶一懺而改編其營分隸魏光燾李輝武當綏德倉卒軍變將軍金順暨山西巡撫鄭敦謹飛章入告已而高軍相繼變中外震駭御史宋邦德奏言南軍不復可用當遣散就地召募曾公國藩上疏力言劉松山可恃比

詔下詢公事已悉定董志原回自大挫後益兇懼謀出言將徙老弱金積堡於是公飭各軍儲糧料覩賊動母待報卽銳進以追而各畱軍三之一以防鈔襲庚申回大集蕭金鎮議併十

八營爲四大營以其半護累重先行崔偉馬正和等率悍黨  
萬餘伏董志原斷後而出游騎由泰昌政平等鎮分擾涇河  
兩岸以牽官軍於是黃鼎率所部會雷正綰長武馬德順李  
耀南各率馬步分駐靈臺甲子回向驛馬關三叉河北行其  
日雷正綰黃鼎自長武渡涇期馬德順李耀南會師泰昌偵  
悍黨尙伏董志原崔偉等酋屯三不通拒險迺分軍四路趨  
三不通而遣楊世俊陳義以二千五百人從間道取蕭金鎮  
以達鎮原乙丑大軍進三不通回憑溝拒戰礮石雨集馬隊  
不得前黃鼎揮步軍從左右踰溝出其後寇驚亂官軍悉銳  
進寇大披靡原上回爭出山接戰爲敗寇所牽相率狂奔乘勝

遂下董志原及焦村石社蕭金鎮各回堡賊屍墳塞山原餘  
寇嚮西峯鎮北走明日軍自董志原進追偵同一由驛馬關  
走環縣一由蒲河川走三叉河時楊世俊等已由荔家堡前  
復鎮原城於是雷正綰李耀南出鎮原前進三叉河黃鼎馬  
德順兩軍趨環縣其日度驛馬關及寇黨家腰嶺前阻深溝  
同大隊相擠官軍自後蹙之墮坑塹死者無算追五十餘里  
而眾奔散丁卯復慶陽府城次日追至環縣寇走紅德城其  
日雷正綰李耀南及寇三叉河沿途斬馘尤眾追至洪河川  
偵寇已遠迺還拔出難民萬餘人回戍者至三萬慶涇悉定  
公上先後戰狀且奏曰竊維董志原地居秦隴要衝本唐之

涇原宋之環慶故地。昔時設立重鎮，以精兵宿將駐之。藉以控制遐荒，撫綏雜虜，形勢之重，自昔已然。陝回竊踞以來，遠近城邑堡塞慘遭殺掠，民靡子遺。平慶涇固之間，千里荒蕪，彌望白骨黃茅，炊煙斷絕。被禍之慘，實爲天下所無。此次乘其竄動，急追猛擣，積年蠶穴，搜蕩一空。賊之精騎悍黨，銷亡殆半。機局本有可乘，惟師行所至，井邑俱荒，水涸草枯，賊因此而多所喪亡。官軍亦因此而艱於追逐。又其時適值內變紛乘，北路官軍因內顧不遑，未克橫衝側擊，共赴師期。一收聚殲之效，是則臣等所耿耿不能自釋者也。見調賊由環縣固原兩路竄至下馬關，復由下馬關分竄薦河城，預望城半

角城金積堡一帶。賊情渙散。不但陝回與甘回因剽掠而肇  
衅端。卽陝回向分東彌西彌者亦因喪敗而懷怨恨。陝甘回  
患庶有止息之期。此時所最急者宜乘時耕墾。擇要興屯以  
活遺黎而弭飢寒之迫。以儲軍食而消譁變之萌。庶內政既  
修。軍民漸有固志。迺可徐圖進取。斷不宜苟且目前。旦夕之  
效求速反遲。又蹈從前覆轍也。其目前軍事。如駐軍董志原。  
扼秦隴兩省關鍵。駐軍秦州。通蘭州一線。餉道駐軍正甯。甯  
州之間爲進慶陽之謀。駐軍涇州爲通平固之漸。皆主固秦  
以規隴。蓋自東徂西者形勢之自然。由近及遠者行軍之次  
第。既不敢濡滑而坐失事機。亦不敢造次而貽譁壯往。一切

規畫皆於無可設法中竭蹶圖之事同創始艱阻萬狀臣等惟有殫誠盡瘁以求下紓民難上慰

慈懷其時慶涇各屬人民散亡略盡公迺分軍進駐選吏士能作苦者官其地招輯流亡計口授食督丁壯及時耕種給以籽糧農器險要爲官屯領兵官主之堡塞爲民屯府州縣主之因地制宜播種粟糜蕎麥諸種以耕牛不能多得示以區田代田之法又以關隴多種畧粟出示通飭各屬嚴禁而陝西糧延董福祥李雙良等降眾及飢民亦十七萬人公奏請發部帑十萬兩從歸化綏遠購糧賑撫令綏德知州陳瑞芝與劉軍將黃萬友擇老君殿瓦窑堡周家嶮荒地逐眾居之俾

耕墾自給而叛勇游匪逃竄綏延間者劉松山復會周紹濂  
軍先後搜緝殲之於是公以北山迤北略定檄魏光鼐劉端  
冕各軍西進慶陽方整軍待發忽捕袁大魁黨五人言上年

官軍破雲巖鎮

按平定閻龍紀略平宜川雲巖鎮捻寇爲七年六月事公時剿捻在直隸也

大魁

遁保安老巖窰憑險結塞常覘官軍進止出剽掠迺令爲前  
導四月丙午軍進老巖窰巖臨洛水壁立千仞窰孤懸其中  
左右立木爲柵柵外皆深塹支小橋出入窰前石磴紆迴瀕  
洛建水樓爲外郭賊從樓上放火槍擊傷外人仰攻連日不  
能下迺積薪樓下若爲火攻而潛從巖頂鑿石立柱引繩縋  
壯士而下寇狂噪官軍短兵竝入誅袁大魁餘黨悉墮巖壑

亦無一脫者遂刻平其窩同時周瑞松破延安野猪窪匪屯其假息宜川延長者郭寶昌軍復次第破平之陝西境內悉清於時陝回竄走者散處靈州固原境黑城子及預望同心各堡而甘肅河狄回方敗甘軍南窺秦州斷蘭州餉道北路回擾平羅靈州中衛東竄出關外及阿拉善親王旅境進圍定遠城將軍金順率所部出邊

詔張曜宋慶軍繼進爲金順援應公方建議分兵三道度隴以甘南急檄李耀南吳士邁軍先由汧隴分出清水寶雞以指秦州五月乙酉河州回自成縣陷兩當分竄清水李輝武自寶雞進兩當殺千餘人回走徽縣已又敗清水回唐藏丁酉吳

士蓮軍至清水聞回已竄秦安隴城急引軍進康平堡大破

之

批：是年批吳中書大獲全勝稟云：「乃稟并悉烈士苦心，早已議之，惟慮神鋒早露，不能盡其磅礴鬱積之奇，故以

當年憇毛王壯武之說時相啟告。今幸素志漸伸，鄙懷亦可稍稍慰然。銛鋒以屢割而鈍，源泉以屢汲而渾，戒慎之心未可一刻忘也。治兵莫先於養氣，養氣在心存勿失。一語乞常念之。」蘭州運道始通。是月庚寅公

自邠州長武進涇州北路檄劉松山全軍由西北進指定邊  
花馬池以截甯靈之賊。中路則魏光熹進屯安化慶陽。劉端  
冕分屯合水。張福齊進甯州以西。丁賢發進正甯。周蘭亭駐  
蕭金鎮。皆遼營漸進就地屯墾。而檄雷正綰黃鼎兩軍分由  
涇州進平涼。固原以剿北路散回。與南路李耀南、吳士蓮秦  
州各軍相應。馬德順、簡敬臨馬步軍駐靈臺爲南北策應。

按：公

是年奏疏未刻彙有簡  
桂林請更名簡散路片

公以軍行益遠各省協餉逾時不至

上奏曰臣軍餉事短绌蒙

天恩諭各省除每年原協臣軍餉銀三百三十萬兩署督臣穆圖  
善軍餉銀一百二十萬兩署撫臣劉典軍餉銀六十萬兩又  
添撥釐金三百萬兩總計八百一十萬兩各省如果遵

旨分撥起解臣自可一意馳驅迺函牘頻催并經西征糧臺翰林  
院學士袁保恒再三商懇自正月起截至四月底止計各省  
應解銀二百三十萬兩除穆圖善提解不計外其解到西征  
糧臺及起解在途者止七十餘萬兩臣與劉典楚軍積欠已  
多而自董志原平後令各營前進就近墾荒布種招輯流亡

所需經費不得不於正餉內通融挹注五月節前各軍僅求一月足餉迄不可得秦隴用兵籌糧難於籌餉籌轉運又難於籌糧古今不易之局而采糧轉運兩者尤非實餉到手無從籌措雖有良將不能點鐵而成金雖有神兵不能煮沙以當粥迨軍士因飢致潰伍籍空存搜括民糧以爲食而民亡強募游手以充兵而兵廢卒致戰不能戰守不能守楊岳斌之急赴隴西趣戰而潰穆圖善之急保蘭垣竭蹶而危足爲前鑒臣奉

命出師豈敢逗遛不進然不預將後路稍爲布置餉道概予疏通而貿然前行再蹈覆轍其必貽

朝廷異日之憂也決矣。臣才智技能與閱事之久無以加於楊岳  
斌穆圖善而責任之重時局之艱無以異且楊岳斌穆圖善  
專顧隴疆臣則主固秦以規隴楊岳斌穆圖善專顧隴餉臣  
則司分解而統收事勢固有不同也甘肅欠餉之勇以百數  
十營復又增營以耗餉臣列接受督篆兵餉兼籌豈可置  
之不理如以空言塞責違

旨之罪將無所逃欲得實餉支銷又將安出此後師行愈遠得餉  
愈艱應想

天恩敕下各督撫臣於協撥陝甘各款按月如數解到西征糧臺  
母有短缺俾得預爲布置速赴戎機大局幸甚當是時甘肅

回土寇蔓延而尤著者西則馬尕三據西南南則馬占鼇據  
河州北則馬化漋據甯夏靈州西甯靈州回皆用受撫爲名  
實已陰據其地而馬化漋所居金積堡當秦漢兩渠間扼黃  
河之要地形絕險貿易通西北各省及蒙古諸部擅有鹽茶  
馬之利馬化漋始以新教煽惑回民西甯河狄口外之回皆  
崇奉之遂潛圖雄長諸回部環金積堡堡寨五百有奇屯聚  
黨眾占取漢民產業婦女甯靈數百里間竝被其害董志原  
回久與通市馬化漋助使入擾而收其所掠財物又陰嗾所  
部出掠蒙古藩部穆圖善署總督馬化漋陽輸銀米歸誠穆  
圖善遂任以招撫之事迺益修築堡寨購馬造軍械與陝回

相首尾陝回敗則資以糧械戰馬往往爲公軍所捕覺而穆圖善始終信之數爲奏請至賞加提督銜及董志原平陝回各酋投竄靈州馬化漋遂陰招回勇而上書代陝回乞撫以窺公公既久察其奸度用兵自東而西必先平金積堡會得馬化漋書因示以勦撫本無成見特恐以求撫爲言者非其眞心以發覺其謀於是穆圖善疑公有進勦之意復奏遣河州總兵胡昌會率同馬化漋安撫回眾

上如所請公迺疏言甘肅回民與陝回久相勾結卽業經就撫之靈州金積堡回目馬朝清卽馬化漋清水縣張家川回目李德昌或以馬械糧食顯與市易嗾其擾陝或以官軍聲勢浩

大勸其就撫相時而動皆以回教一家隱相親坱外雖恭順無異王民內則暗肆披猖仍滋他族至如西甯之馬尕三藉稱受撫挾持官吏與漁回之包藏禍心如出一轍尤勿論也回之黨堅交固如此陰謀祕計如此若概加勦辦不特誅不勝誅亦慮未變種人反側不安致妨大局若廣示包荒隨宣招納則賊心未灰轉瞬兵撤匪起實在意中甘肅撫局卽前車之鑒也陝回敗竇甘肅後散布黑城子預望各回堡地與金積堡相近馬化滻上稟代陝回求撫臣以分別勦撫之諭示之生故禍福聽其自擇蓋欲申明

神武不殺之德與怙惡必誅之威以期久遠也劉松山一軍臣飭

其先辦三月軍糧節節遞運然後前進到花馬池小作停頓  
察看馬化灘撫局虛實及陝回離合蹤迹再定進止而密貽  
劉松山書曰馬化灘名雖受撫而恃其富豪恃其地險陰與  
陝甘各回相通以大局言之金積堡爲陝甘必討之賊失今  
不圖後將噬臍無及從前雷曹兩提督攻金積堡因糧運不  
繼後路被其截斷遂至一敗不振故欲攻金積堡非甯夏固  
原均有勁軍不可而從東路進兵非熟審路徑屯積糧食層  
偏漸進不可麾下自綏德鼓行而西名爲勦花定之賊而實  
則注意於金積堡猝逼近後察其順逆慎密圖之此關一開  
則威震全隴迺收全功也七月張曜軍解定遠城圍宋慶亦

破鄂爾多斯各旅寇與金順會師磴口寇回擾甯夏平羅靈  
州中衛壬午劉松山由清澗進軍鎮靖堡鹽茶廳土寇張貴  
糾眾擾靜寧州莊浪檄黃鼎簡敬臨逐軍往剿先是公奏抵  
涇州受總督印及是穆圖善以南路河狄回梗蘭州餉道爲

慮復取

朝旨趣公遂屯秦州公奏曰竊兵事有一定之規模有自然之次  
第其先後緩急之節則必審賊勢軍情應之臣自進駐涇州  
以來熟察甘肅全局北自花馬池而南少西爲靈州迤南少  
東爲環縣又東南爲慶陽爲甯州正甯折而西南爲涇州爲  
靈臺迤而西包陝西汧陽隴州北境踰山而西爲清水又西

爲秦州。清水之南爲兩當與徽縣成縣東連陝境。南界蜀境而甘肅東路自北而南之路始盡。以地理家飛鳥之數計之。不過一千三百餘里。以人行之數計之。則幾二千餘里。此甘肅自北而南之地勢也。由花馬池而西少北爲甯夏。又北爲平羅。由甯夏而西南爲中衛。又西爲古浪。古浪西北爲涼州。涼州北爲鎮番。西北爲永昌山丹。又西北爲甘州。高臺肅州。迤西而南。則嘉峪關矣。此爲甘肅之北路。由慶陽而西爲鎮原。爲固原州。由涇州而西爲崇信。西北爲平涼府。又西爲隆德。爲靜寧州。又西爲會寧。爲安定。又西北達蘭州。蘭州之西北爲岷伯縣。爲西甯府。此爲甘肅之中路。由秦州而西爲伏

羌甯遠西北爲鞏昌府。又西北爲渭源。又西北爲狄道州。二百三十里達蘭州。秦州南爲徽成。東爲清水。東南爲兩當。西南爲西和禮縣。又南爲階州。鞏昌之西南爲岷州。洮州及各土司地。此爲甘肅之南路。以見在賊勢言之。陝甘逆回萃於甯夏。所屬平羅靈州中衛一帶。其東竄縵金之賊。經張曜擊之沙金託海磴口。速解阿拉善定遠重圍。窮追至廣宗寺。復進賀蘭山。距甯夏不遠。宋慶又擊退鄂爾多斯及五勝扎薩等旅之賊。據張曜報。金順等各營已行近磴口。似邊外漸可肅清。劉松山全軍七月十二日已由清澗馳抵鎮靖堡。將糧運後路。節節布置。攜十二日之糧。向花馬池前進。計此時已

抵花馬池。進剿窺靈之賊。北路兵力已厚。似邊內亦漸可肅。清南路秦州一帶。河州竄回。自李輝武。吳士邁兩軍擊敗後。六月又經甘軍。梅開泰擊之。伏羌餘賊全遁歸巢。蘭州運道漸已疏通。河州近無大股出竄。穆圖善所派傅先宗等之二十四營。臣飭其分駐徽縣。以護完善之區。通餉之道。俾吳士邁。李耀南。湯聘珍得隨時往來。雕覈以速戎機。似南路亦漸有肅清之望。其中路平涼府屬同原以北。陝回之騎零小戶多有赴營求撫者。臣飭各地方官指荒地絕畝。隨時安插。馬朝清續稟陝回有急於就撫者。有頑梗如故者。臣仍以分別勦撫之意示之。一面調道員魏光齋進駐慶陽。提督劉端。

冕進台水防環縣竄出之賊。總兵張福齊進駐董志原之蕭  
金鎮分駐屯子鎮西峯鎮提督丁賢發由正甯進駐鎮原之  
驛馬關截甯靈橫溢之賊一面調陝西提督雷正綰由平涼  
進駐固原之古城川提督周蘭亭由蕭金鎮進駐瓦亭以扼  
南北之衝惟中路平涼一府古稱雄鎮自回逆肇靖府城三  
次失陷守令寄居村堡力不能制土匪且藉土匪自固假以  
義旅之名有鹽茶廳民張貴糾黨竊踞靜寧莊浪轄境威戎  
堡水洛城攻破民堡五十餘處其黨俟得應亦攻破會寧秦  
安各民堡聚眾至二十八營與鎮原匪首孫百萬遙相勾結  
爲平涼秦州一大患臣前以驛馬關賊騎突至檄黃鼎勦之

過鎮原出不意擒孫百萬知縣廖溥明亦獲其弟孫百智臣訊明斬決傳首犯事地方張貴聞知謀變益急其地居甘肅南北之中甯靈之回與河狄之回往來勾結不由靜莊卽出秦安將欲南北分馳埽除餘孽而土匪從中作梗餉道堪虞若待駐軍防剿徒分兵力臣見調黃鼎率所部由崆峒化平川徑擣莊浪所轄威戎堡賊巢調臣營務處前衛州鎮總兵簡敬臨由靈臺出崇信以擣水洛城賊巢調駐秦州之員外郎銜中書吳士邁道員李耀南湯聘珍等撥所部進秦安清水會剿防賊南竄并搜剿秦安神峪河另股回逆如能迅速處置則蘭州東西一律肅清省垣僅防河州之賊無須重兵

黃鼎仍回軍平涼進固原會同雷正綰進勦甯靈一帶回逆  
秦州之軍進勦河狄逆回而甘肅大局可期復振此微臣度  
隴規畫調度由東而西之大略也。穆圖善前催臣進涇州接  
篆奉有

諭旨昨復欽奉

諭旨敕臣進禁秦州接篆比准穆圖善函咨又已具摺請  
旨竊維臣由闊度隴必由中路本一定之局以形勢言之北可聯  
絡甯靈慶固南可聯絡鞏秦東可屏蔽秦川西可直達皋蘭  
也以兵事言之北路劉松山定邊花馬池之軍距涇州雖僅  
數百里然兵燹之後郵傳不通文報從延安繞遞已非兼旬

不能達。臣接劉松山函牘，又須酌量調度。行知北路中路諸軍，展轉迂回，已虞貽誤。若再遙駐秦州，則山谷間往返更多千有餘里，尤覺聲息難通。況當勦撫兼施之際，隨宜因應，事變未可預知。臣駐軍適中之地，尙可就近料量，相機應之。若遂駐秦州，偏於南路，不但北路阻隔，即中路亦運掉不靈。似於大局所關非小。且隴中軍事之誤，由於置平慶涇一道，不顧專就秦安一綫餉道爲苟安之計，致匪回縱橫，生民荼毒如此。夫豈不曰：餉絀時艱，宜緩匪而急回也？又豈不曰：宜先固根本，通運道，暫支危局也？而其效已可觀。臣若舍涇州而進秦州，局勢何以異此？人之議臣者，必且謂知有穆圖善，而

不知有

國事知有蘭州而不知有陝甘。臣雖百喙何能辭咎。此臣所爲反覆籌維、罔知攸措者也。且以地里遠近言之。由涇州至蘭州一千零二十里。由涇州繞秦州至蘭州一千一百六十里。本無庸舍近而道遠。而以賊勢言之。秦州無賊。靜甯莊浪有賊。臣未可避勞而就逸。如果北路事機順利。臣當由涇州大道進平涼以赴蘭州。縱或蘭州有急。臣檄南路秦州各營爲迎剿之師。檄中路平涼各營爲橫擊之師。似亦易有把握。疏

入

上憲之劉松山留黃萬友四營護運道丙申整軍進花馬池遇韋

州堡甘回率騎掠邊外南歸遣章合才劉錦棠兩軍破走之  
八月庚子進磁窑偵陝回悉竄靈州境與甘回雜處辛丑行  
三十里陝回拒甜水河官軍整隊逐之悉退走郭家橋距靈  
州四十里官軍迺就城南止營其夜馬化瀆黨居城中者詣  
營言陝回占踞甘回莊宅甘回畏其悍不敢校劉松山迺遣  
諭馬化瀆傳示各堡寨大兵誅陝回有罪者已撫甘回各安  
居無驚動次日郭家橋回擁大眾出拒官軍分道縱擊立夷  
賊莊二十餘進至下橋橋跨秦漢人馬相擠溺斃尤眾窮追  
抵吳忠堡迺回屯下橋掘永甯洞永甯洞者秦漢兩渠會流  
入河水口也始馬化瀆恃其地險謂官軍必不能深入陰嗾

陝回拒戰而自別白以覘官軍彊弱及是頗震懼復上書公  
代陝回乞撫而不言其兵敗冀公許所請以緩師而其日官  
軍進戰甘回輒傍寨擊傷官軍劉松山復張示申諭免黜甘  
回連日出堡索戰如故至丙午大眾直撲下橋屯劉松山迺  
出兵擊之於時馬化瀝已決秦渠水阻金積堡自固嗾靈州  
甘回據城奪官軍餉銀復出精兵助陝回已敗者拒吳忠堡  
反狀大露劉松山迺馳書白公自是以至戊辰連二十餘日  
馬化瀝召甯安四百戶黑城子半角城陝回絡繹而至軍屯  
前後被攻劉松山日與接戰先後斃寇至萬餘人而西甯馬  
衆三道騎援馬化瀝者亦皆挫敗遁還其時黃鼎簡敬臨已

連破威戎堡水洛城土寇公檄簡敬臨遂軍靜甯黃鼎軍由  
瓦亭平涼會師北進馬化灌適厥甘回李正榮陝回白彥虎  
等自預望城黑城子竄固原州以拒北行之師雷正綰時軍  
古城川會周蘭亭軍迎擊半角城李旺堡回來益眾適黃鼎  
簡敬臨自中路馳至合師大破之固原回悉遁黑城子公陳  
前後戰事曰臣維馬化灌所恃以抗官軍者有二金積堡地  
勢居秦漢二渠之間黃流分釀舊稱沃壤足以阻水自固而  
困官軍一也馬化灌本新教回民與陝甘老教回民宗旨不  
同及與漢民尋仇則彼此通同一氣而甘回究不如陝回之  
彊馬化灌尤思藉以自衛始因陝回竄坤爲乞撫市德於陝

回繼因陝回反覆又思別白以免官軍之勦其詭謀蓋謂陝  
回勝固可藉以爲重陝回敗亦有詞以自解究之陽順陰逆  
其心則路人所共知二也劉松山自花馬池進靈州於甘回  
已撫者本預示區別馬化瀝嗾甘回陝回抗拒時初不料官  
軍鋒不可犯妄思一逞以自雄迨八月初三日郭家橋大敗  
後初四日又遞稟代陝回求撫爲緩兵之謀而於劉松山兵  
至下橋距金積堡三十里則一字不露蓋欲掣臣與穆圖善  
準撫之批以挾制劉松山耳臣於馬化瀝前稟批北路應由  
劉松山劉錦棠察看南路應由雷正綰黃鼎察看以此幸劉  
松山燭其奸謀一意進勦未及一月疊將甘回陝回痛予懲

創實殺賊一萬數千之多臣飭雷正綰黃鼎簡敬臨各軍亦  
於陝回犯固原時迅獲大捷奸謀更阻馬化滌旋又於九月  
初三日具稟求撫而函中均八月初六日一稟則頗以劉松  
山濫殺激變爲言猶思藉詞聳聽情形殊爲可惡臣又批飭  
之仍擬察其誠僞以定勦撫貳則討之服則舍之務在攻心  
以規久遠疏未入綏遠城將軍定安聞靈州城陷已上急奏  
言劉松山輕進濫殺激變

朝議大疑之

諭曰劉松山前在綏德曾有譁潰之事甯夏甘回投誠已久此次  
輕進激變賊眾兵單儻無食可就復蹈故轍則北路大局何堪設

想著左宗棠將起衅情形查明具奏不得稍涉回護其馬化龍陽爲歸順陰縱黨與滋擾變亂情形究因如何起衅著穆圖善查明據實具奏已穆圖善奏馬朝清實已撫良回劉松山激成事端恐甘省兵禍無已時卽將來左宗棠勦而後撫亦未必能堅回民之信奴才不敢知而不言聞而不顧已飭胡昌會督同馬朝清仍行安爲開導令回民啟猜疑

上迭下所奏於公九月辛未馬化龍復遣人詣劉松山仍以代陝回乞撫爲詞劉松山令悉繳馬械迺許其請數日獻朽械羸馬劉松山督之急卽又詭言必官軍退橫城迺悉以獻而寇中日夜修堡潛壕縱游騎四出伺官軍動靜至辛巳劉松山

以兵徇余家湖金積吳忠兩堡同併出分軍迎擊敗之連下  
敬家莊兩堡已寇復築壩吳忠堡南決秦渠水東流灌官軍  
而伏騎數千於旁劉松山令軍各攜鋤鏟攻壩西墨若爲弗  
知者竢寇悉過水漫溝迺決溝縱擊淹死無數甲申遂襄土  
墳壕進破其堅寨五其王家高樓六寨以秦渠水決各寨爲  
河西運道所必經丙戌劉松山乘夜襲破王家高樓寨復北  
行八里至張家灘五寨相距數里分軍猛攻寇各不相顧悉  
踏平之而留軍以守當馬化漋詣劉軍乞撫時密遣其黨馬  
萬春督陝回楊文治禹得彥等復犯固原境之三營雷正綰  
簡敬臨周蘭亭各軍方破寇黑城子丙子合軍迎擊於頭營

回大奔敗追至何家溝斬楊文治次日乘勝攻破李旺堡於  
是預望城半角城各甘回震懼乞降而陝回各酋潛約所部  
由鹽茶廳西竄長流水打拉城圖出會甯安定與河州回合  
甲申黃鼎馬德順率馬隊越鹽茶廳追至西安堡賊列帳平  
川延袤數十里官軍馳入大破之追過黃家園回眾壞散馬  
德順率輕騎前進爲伏兵所乘被創死丙戌黃鼎兼領所部  
疾趨打拉城其自甯安竄出者已先入保城軍士譟呼乘之  
殺傷甚眾回首陳林馬正和余彥祿折回新堡子黃鼎引兵  
還擊而崔偉馬生彥白彥虎等遂益西趨會甯於是公檄雷  
正綰簡敬臨周蘭亭由半角城進長流水而遣黃鼎部將徐

占彪會楊世俊馬隊趨會甯以要西竄寇調張福齊遂駐黑  
城子留陝軍周紹濂進屯固原癸巳雷正綰引軍出長流水  
回益駭走追敗之馬家河灣陳林等遂還竄金積堡其日徐  
占彪軍進會甯適土寇張貴率餘黨掠會甯北川出不意擊  
降之僉崔偉等已竄過馬家堡星夜躡追至狄道十八盤黃  
鼎軍亦至僉回已入河州迺還於時河州回間出游騎掠渭  
源伏羌西和禮縣南路軍湯聘珍李耀南督傅先宗等迭敗  
之迺遣道員曾傳理赴固原安撫各堡降回令黃鼎分所部  
屯安定會甯靜甯以固省防雷正綰周蘭亭合師北進簡敬  
臨張福齊分進半角城韋州堡護通道自靈州被陷

詔數詢起衅情形公以州城未復未卽陳奏及是劉松山軍屢捷  
上猶以前次激變爲疑公迺奏曰馬化龍之陰賊險很天下共知  
自就撫後築寨修堡購馬造械仍與陝回互相首尾陝回敗  
則資以馬械陝回窮則助以軍糧從前屢見章奏自靈甯西  
達西甯南通河狄各回民無不仰其鼻息穆圖善曾令其招  
撫西甯河狄回迄不之應且常嗾所部掠蒙古藩部定安所  
訊據活賊白天才之供劉松山自花馬池南下時曾擊敗飽  
掠回巢韋州蘇光棍之黨事皆在八月以前是時官軍未抵  
下橋也其變果誰激之言者所稱濫殺激變自是指八月初  
三日郭家橋大捷而言馬化龍八月初四日所上臣稟於劉

松山軍抵何處。且一字不題。豈果有激變之事。而反爲譁之乎。白彥虎楊文治諸逆之突犯固原州。實馬化龍嗾其黨馬萬春率之以來。豈亦由固原各軍激之而然乎。甘肅漢回雜處。昔本漢多於回。今則回多於漢。甯靈一帶周數百里。漢民幾無遺類。其產業婦女均歸金積堡。老弱死亡。壯丁爲其傭工細雇。漢民之痛心疾首。抑何怪其然。臣接靈州紳民之稟。聳惕不安。頗慮失此不圖。張駿元昊之患。必見諸異日。臣此時扶同徇飾。欺已以負。

皇上異日蒙

旨詰責。歾有餘辜。至劉松山爲人忠勇而明方略。當時諸將實罕

其比卽如此次諸大捷正奇互用他人得其一已爲奇功而所陳戰狀語語切實絕少矜張亦可概見臣與曾國藩議論時有不合至於拔識劉松山於凡眾中信任最專其謀國之忠知人之明非臣所及上年曾舉以入

告臣於劉松山雖有心愛護思爲

國家保此將才然事關大局如劉松山實有濫殺激變之事咎有攸歸臣再爲庇護自蹈欺罔之咎臣雖至愚極陋不敢出此此區區微忱所求諒於

君父而不敢必者也自來辦賊之法勦撫兼施然回性大羊知畏威而不懷德辦理次第與他賊正有不同辦他賊先勦後撫

方略卷之三  
辨回則必以撫爲先。蓋回之所藉爲亂端者，漢與回有異視也。非宣布

朝廷德意分良匪不分漢回則賊有詞以脅其黨眾將勦不勝勦然若壹於主撫賊必以撫愚我陰集其黨眾蠶食漢民又將撫不可撫竊恐漸漬既久勢不至如雲南撫回爲回所制不止臣前疏所言攻心爲上者竊以爲大局雖終歸於撫然非族其畏勦之極誠心乞撫則固未可漫然允之見仍飭各軍前追一切勦撫機宜必族劉松山察酌定局而後會同穆圖善具奏斷不敢草率從事致貽陝甘異日之憂亦不敢鹵莽相將致傷

皇上如天之德劉松山既克高樓各寨馬化漋復遣漢民饋米具

狀永無反覆而不復言繳馬械劉松山收其米計值與之而

不許所請

甯鄉隆氏甯靈消化食記云化龍遣人自金積獻芻糧數十車豆麥稱是時軍糧實匱忠壯令聚沙

土爲困匱少米其上俾其人周視告曰糧我所自有不煩化龍然旣來無載還勞人力理于之銀如時償辛卯分

兵五路布疊陳銜枚進而各綴支兵於後以拒別堡援賊連

克金積東北馬家等寨殺千七百人獲馬化漋所給馬重三

拒官軍僞札

按奏稿卷三十三克復靈州摺云劉松山九月二十三日破馬家寨搜出馬化漋九月十三日

給僞參領馬重三吳天德楊長春糾黨抗拒僞札一封僞銜

統理甯鄉兩河等處地方軍機事務大總戎馬鈴以僞印其狂悖之狀陰狡初靈州官民久制於馬化漋及劉松山軍進

下橋扼永甯洞口金積堡地險頓失馬化漋遁嗾其黨叛據

州城冀官軍返顧以收兩渠之險劉松山日夜攻取各堡不爲動及是黃萬友以郭寶昌軍至綏德率屯花定四營濟師道橫城靈州回遽出遮擊丁酉劉松山潛師夜趨靈州城外卡壘林立方進攻忽東來回騎千餘助守官軍分道猛攻寇不支退入城官軍急乘之回開東北門遁遂克靈州次日劉松山復攻下城東南四寨令黃萬友駐城撫輯而自還下橋屯當靈州回竄出時馬化灌復遣人詭言靈州回避陝回殺掠出城應由胡昌會擇地安插意以飾其陷城之迹劉松山示以克馬家寨所獲僞札因辭讓之其意迺沮於是公具以

狀聞

上諭曰回目馬化瀧既給與馬重三僞札是其狂悖之情業已敗露而求總兵胡昌會保其永不反覆并代陝回甘言求撫前後兩歧殊難憑信著左宗棠嚴飭劉松山乘此聲威迅圖埽蕩不得輕率收撫轉遂奸謀書牘卷十一與夏小濤書云西事大類養廉失引爲己任自燕齊返旆先清三秦旋直擣金積堡巢境其吭而鹽其脰其時眾議繁興指爲激變其實馬化瀧之心路人皆知亦何待激也嗣搜獲賊堡僞札廟謨始定可見任事之難

是月金順張曜兩軍解甯夏城圍會師攻附城各堡下橋東十里許里仁趙家等八寨環處雄峙麥錯十月庚子劉松山自靈州還卽夕分道攻克斬馘尤眾而自秦渠南板橋迤西蔡家橋以達金積堡村堡鱗次陝回聚處其中以里仁各寨破頗震懾日議投誠久不

決劉松山擬痛勦以服其心甲辰令軍分由板橋蔡家橋進  
而伏馬隊其氛已步軍涉渠奮擊寇分東西潰走馬隊馳出  
截其歸路各堡回見之爭開壁西遁迫波浪湖官軍火器環  
擊寇人馬墮藉湖水爲赤其日破莊寨三十餘追師直逼金  
積堡劉松山遂屯劉家寨距金積堡十四里是時雷正綰周  
蘭亭軍進鳴沙洲馬化溼先鋒袁希孟據張恩堡出不意擊  
降之戊申至強家沙窩簡敬臨張福齊軍亦自韋州堡至合  
軍進分屯秦渠內外公馳檄悉聽劉松山進止而固原以東  
達鎮遠環縣山谷間游匪猶盛公遂周紹濂軍分屯黑城子  
李旺各堡桂錫楨扼四百戶丁賢發自鎮原出固原魏光燾

劉端冕分由慶陽合水進以護中路運道於是馬化滻復因  
胡昌會呈陝回馬械乞撫劉松山限三日畢繳自後十數日  
日有呈入而陝回向背不一其時吳忠堡各莊回皆已徙避  
迺下令願就撫者具籍遂居吳忠堡是月竄狄道回崔偉禹  
得彥等揚言回援金積堡徐占彪自安定會李輝武軍敗之  
隴西同時固原東山匪明先行嘯聚土回海生春等擾環縣  
鎮原各境掠官軍糧運桂錫楨各軍擊破之十一月戊辰朔  
公自涇州進駐平涼書讀卷十三癸酉復總理衙門書云當  
自明已然見在鳳翔府城樓尚存開花磚子二百餘块平涼  
府西城見有大洋磚上鏽萬曆及總制胡等字餘剝蝕然則  
利器之入中國三百餘年矣使當時有人留心及此何  
至島族縱橫海上數十年挾此傲我索一解人不得也自甘

肅回亂獨秦州僻遠號完善蘭州恃以通轉運悉調重兵數十營駐之率冗雜無紀律而范銘等所領各營皆河狄土蕃招納叛亡人數至萬餘公度隴首除捐糧之令議以次裁併會周開錫自閩運協餉至迺奏以總統秦州諸軍陝回馬正和已徙居吳忠堡爲陳林黨所撓復中變劉松山仍決計進剿會金運昌率郭寶昌所部自清澗至庚午分所部攻金積堡東北金軍出西北雷正綰各軍以隔湖渠檄由西南進復破村寨二十餘次日東西各堡回大出劉松山誘寇至近縱擊大破之雷正綰簡敬臨聞礮聲急引軍由西南入堡中寇出鈔簡敬臨持短兵力戰迺突圍出於是寇悉逐眾拒東西

面循波浪湖增築長牆以守丙子劉軍直擣波浪湖寇憑牆  
力拒松山揮步軍繞東出卡後寇大亂棄牆竄走遂進毀堡  
廟禮拜寺簡敬臨銳圖繞波浪渠合湘軍穿寇堡數重礮石  
雨集裏創而前飛礮中腦死營官姚連陞譚正明十數人皆  
殉徐文秀收餘眾退戊寅劉松山馳赴簡軍屯分營遂駐漢  
伯堡寇驟出邀歸路力戰卻之寇迺復繞渠西修築礮牆庚  
辰劉松山列隊進攻提督李就山陷陳死官軍乘之入易致  
中朱德開等皆被重傷遂踏毀其牆金積堡北各堡寨皆據  
險而堅每攻一堡各堡四出援應官軍傷亡尤眾至是劉松  
山攻毀略盡陝回併入東西各堡馬化隆乘夜出精兵更番

助戰故寇屢蹙仍張十二月劉松山日夜督軍進攻寇伺隙  
出犯者官軍輒擊敗之陝回不復能堅踞各寨馬化滻令壠  
金積長壕列帳以居而徙甘回入據各寨數出東南取糧於  
胡家堡松山偵知之夜出兵數路邀擊拔壠堡趙馬兩寨其  
掠糧自韋州堡歸者亦爲雷周各軍所截奪西甯回既敗還  
不復至河州馬占鼇始至甯夏大言以兵援金積旣攝劉軍  
聲威馬化滻數逼之不敢應馬化滻迺仍招崔偉白彥虎等  
自狄道大舉東趨截北路運道攻雷正綰各軍至固原半角  
城曰撫各回堡響應周紹濂力戰禦之王銘忠以兵護糧過  
黑城子回眾突至相持一晝夜魏光燾丁賢發馳至寇解去

遂合周紹濂軍破平半角城西南各堡崔偉等走鹽茶廳黃  
鼎軍出靜甯遮擊大破之鴉兒灘迺由嶺口竄還狄道徐占  
彪楊世俊復扼安定紅土窑好麥川擊敗之先時郭寶昌以  
病留綏德督三營護糧運已山西以冰合調赴河防馬化澤  
遣甘回馬呼來出邊牆乘虛繞陷定邊湘皖軍運道中斷公  
奏請郭寶昌還救而飛書綏遠城將軍自包頭購糧濟軍食  
是年京察異等湖南大水公捐養廉銀萬兩賑濟作舉  
主徐熙菴先生神道碑銘書牘卷十四甲戌答楊性農書云  
師墓在涇陽城西三十里榆樹數  
百株可十數圍後枝柯無傷類有神護迺令有司永禁樵  
采著爲例置墓田建丙舍立神道加封樹豐碑大冢巍然涇  
川庶足慰先師之靈矣

同治九年庚午公五十九歲

正月檄黃鼎軍出固原馬化漋望崔禹等寇不至復使靖遠  
回糾臨洮回騎數千繞東山來援庚午驟掠半角城丁賢發  
追敗之石峽口黃鼎軍出固原寇已悉數北竄先是中路各  
軍馳逐游匪日益西向公慮陝邊備虛奏調豫軍馬得昭自  
潼關遙駐三原策應未至馬化漋復遣陝回馬正剛海萬新  
甘回馬升明等先後由東南踰山竄環慶撓官軍後路魏光  
燾劉端冕分道遮擊敗海萬新等眾馬正剛乘虛遽掠甯川  
正甯竄陝西三水其時劉松山逼金積堡營壘而重兵扼永  
甯洞口以故馬化漋終不得逞公以金積牆堅壕深又積峙

多非決渠灌堡不能破而渠首之要在龍王廟峽口密令劉  
松山飭雷軍據其險馬化灌大懼呼米拉溝回繞道赴援臨  
洮回騎至復縣由秦渠南石家莊入踞馬五馬八條馬七各  
寨冀以窺吳忠堡壘丙子劉松山督軍趨石家莊寇已傍寨  
築堅壘三分軍三道各指一壘一鼓克之餘眾投馬五寨方  
議逼寨築壘東南寇騎數千突至辛巳出軍先擊援寇寇敗  
走胡家堡遂分遣易致中朱德開趙彩明取馬八條馬七寨  
以馬五寨堅而大自督譚拔萃周明勝李占椿等攻之戰逾  
時破其外卡劉松山策馬寨前督攻益急忽寨中飛礮中左  
乳譚拔萃等奔視劉松山揮令猛攻母顧我亂行列諸將憤

怒爭執火丸冒礮石梯登遂拔其寨擒回酋馬五其日劉松  
山以傷重薨報至公大慟當是時雷正綰以爭峽口築壘爲  
援寇所乘傷亡數百人周蘭亭張福齊糧盡退屯鳴沙洲寇  
遂圍正綰營公檄黃鼎趨援軍未集戰牛頭山復相率敗退  
固原馬化漋聞劉松山沒峽口軍又敗挫復遣馬正和馬萬  
春率陝甘各回圍預望城而嗾黨眾益攻官軍吳忠堡壘以  
奪永甯洞水口甯夏金順張曜軍方攻王家疃未下馬化漋  
益誘通昌通貴各堡回盡變而河狄米拉溝回復相繼狎至  
其時馬正剛已由三水掠渭北東趨蒲富同朝北路回前竄  
走定邊馬朝元復自金積堡出甯條梁至鄜甘擾及韓城邠

陽一時全局大震

上下嚴旨詰讓遂李公鴻章援黔軍入關督勦公遣劉端冕李輝

武分道入援陝西奏加劉松山兒子劉錦棠京卿銜接統其

軍提督黃萬友副之

書牘卷十一是年與劉毅齋書云前接雷周稟十五日之事當卽飛函奉致并

具牘行知總統老湘全軍以定軍心援賊紛至周張引退雷又被圍局勢極壞尊處未赴缺口之援自是向東南打賊能

將吳忠堡一帶已撫未叛者安撫已撫仍叛通賊者勦之亦

是一策春秋將津轉暝桃汎下橋永甯洞是否準備至爲懸

繫愚見前敵各營漸漸收回吳忠堡而嚴扼下橋永甯洞緊

黃河邊以通運道賊旣巢堅糧足難以速滅則逼禁亦屬無

益不如先圖自固爲是擇吳忠堡地勢高處禁營嚴扼永甯

洞司其宣濱則我制賊賊不能因我又可藉通甯夏糧道

似於局勢爲宜如實不能支不能不作退軍之計則須通盤

籌畫分先後分去留不可一併行動靈州旣克不可捨棄永

甯洞是下游津要必宜扼紓甯夏爲重鎮又官軍運道所經

必須力斷此數處均應留兵愚意金軍宜過河以助金張就

甯夏平糧之糧而通靈州下橋運道靈州宜派馬步七八營  
下橋宜派一兩營其主退者宜先審各路有糧地方以爲  
趨向、按德鎮靖瓦窯一帶相去千數百里途無可因之糧恐  
難必達查由靈州至環縣由環縣抵慶陽一路由金積堡打  
漢伯堡出惠安堡韋州下馬關而至預望城共二百六十里  
由預望城西北去半角城百三十里去王家園莊一百里皆  
有官兵駐紮一徑可通平涼府或從預望城南下二百餘里  
亦可由瓦亭抵平涼此亦一路慶陽平涼皆有糧食可取惟  
須裏半月之糧可期必達此爲退軍出險之策兩者請與傑  
軒兄分任之一去一留於局勢方穩總要將軍中公私所存  
糧食通籌合計以定主見免致臨時時東道梗阻湘皖軍采

周章壽公忠誠仍暫停靈州爲安

糧河西胡家堡回數出絕轉道劉錦棠出軍迎護日有戰事  
二月壬寅金積回圖決板橋隄灌官軍劉錦棠黃萬友乘其  
至越渠橫出殺傷甚眾遂逼秦壩關板橋東圓堡營壘遂金  
運昌所部駐之其時冰解胡家堡回迺從上游決山水溝淹

吳忠堡壘劉錦棠令環壘修堰注小渠合流入黃而金積回復於迤北築石壩逼馬連渠水下注官軍築長隄自黃渠南接金積里許而沿隄濬溝導水注永甯洞馬化龍計不得逞復遣馬有全助馬正和攻預望城公增遣徐占彪率二千人赴援先是寇由金積堡南下必取道預望城公旣克固原以北各堡令總兵蘇如松立旌善營以良回馬柏森等領之分駐其地故馬化龍攻之尤急己亥周紹濂蘇如松由半角城敗馬正和阿布條寇走李旺堡黑城子乙巳徐占彪軍抵預望城馬有全擁眾適至潛師夜起殲其眾其日屯將李良穆要馬正和黑城子擊斃之殘眾由下馬關遁歸者已未徐占

彪復追破之韋州堡馬化澤聞馬正和伏誅甚恐迺出眾東  
會援寇萬餘併力攻吳忠堡壘戊午官軍與戰一日斬寇千  
餘人甲子馬化澤潛營二壘靈州西南圖襲州城劉錦棠謀  
知之二鼓與黃萬友循河東趨壓其壘猛攻之寇死者無數  
悉破平其壘由是軍勢始振其時竄陝西回馬正剛已敗竄  
入山劉端冕會陝軍連破之鄜甘捕斬殆盡旋拔楊家店破  
定邊竄回馬朝元自澄白西走涇河李輝武拔武功扶風劉  
軍復追敗之寇悉數還走甯州魏光燾防軍擊之走預望城  
復爲徐占彪軍所敗其眾遂破壞同時南路河狄回由岷州  
鞏昌犯秦州湯聘珍梅開泰出漳縣敗之寇遂由甯遠禮縣

越鹽關狂走西和成徽兩當周開錫遣兵搥秦州破之而崔  
偉禹得彥等聞馬正剛竄陝西復句河州回出狄道敗安定  
屯將楊世俊東走通渭秦安并攻清水三月南路軍畢集清  
水寇遂入陝西隴州汧陽合出寶雞李輝武以軍少而敗庚  
辰吳士邁星夜自汧陽出擊大破之截寇爲二禹得彥東趨  
岐山崔偉折由隴州西竄吳士邁追敗禹得彥羅局鎮寇遂  
越渭南走蒲城白水公遣張福齊軍入援自高陵躡之迺還  
掠甘肅甯州奔固原徐占彪蘇如松合軍大破之禹得彥以  
數百人西遁崔偉先由隴州竄秦安礙於南路軍走莊浪隆  
德爲楊世俊所敗復奔還河狄於是周開錫議督諸軍乘勝

規狄道馬化瀧以竄陝軍速敗益失望復率其子馬耀邦卑

詞求撫以春耕急乞退兵吳忠堡公許其耕作仍責令悉繳

馬械迺受撫

書牘卷十一是年與楊石泉中丞書云西事大類養疴當事知其不了欲以不了了之久且舊

毒日甚叛蹟日彰尙以弟激變熒惑

天聾劉壽卿一腔忠義近世無兩與弟計議至熟卷甲疾趨監其脣而扼其吭

不料大捷之後遂以捐軀失吾右臂傷何可言幸毅齋嗣事

雲涕臨戎連戰皆捷中路諸軍復將陝回

元惡馬正和擊斃

而同時南路崔禹諸逆出陝回竄者又經疊次截斬僅數百

人漏逸而去馬化瀧父子哀詞求撫弟未之許仍以武臨之

大約殲其渠惡宥其脅從事迺可定也西戎錯處中士千數

百年涵濡卵育種類繁滋肇始八年誅殛何可數計而馬化

瀧以新教勦煽其眾猶蠶殭一隅其聲息呼吸數千里此閼

一開餉或不甚煩兵力第一息尙在不敢不勉又與夏小

溝書云老賊計窮復又哀詞就撫仍未許之大約兩三月糧

盡援絕歲役可期漢回構讐既深見則必殺良回慮解散後無策自全匪回則以此劫持其黨得以自固其人柔則狡詐剛則桀驁知畏威不知懷德性與人殊若圖導引善撫廣開

生路非需時日，俟其生路斷絕，逆志潛消，不可若草草爲之，撫不能久也。武鄉之於孟獲，獨以攻心爲上策，然必至南人不復反迺與結局所謂才須學，學須識者以此。

於是馬化漋復修長壕，引馬連渠水入湖，阻官軍進攻。劉錦棠督軍冒險平毀寇伺間復修自庚辰至己丑，晝夜鈔擊蕩平其壕，而渠水被決，橫溢平地成川。四月戊戌，官軍併力修濬，忽西北風厲，水驟漲激，湍湧湧衝齧蔡家橋壘，長隄各營迺排木椿囊土禦之。越兩日，風止水亦漸落入黃甲，辰馬化漋遣眾由大壩三關截官軍，廣武中衛糧運黃萬友潛師由葉升堡渡，搜斬其眾。同時金運昌遣提督王鳳鳴通定邊花馬池轉道會陝回陳林，自金積挾眾數千出花定掠食。王鳳鳴敗之，磚井鎮陳林被傷遁還。戊午

劉錦棠道兵要靈州東南悉奪所掠牲畜其黨馬長元率餘眾由花馬池轉掠定邊甯條梁公檄劉端冕出鄜州破之五月河狄回以官軍進逼復出渭源紛擾鞏秦各境周開錫令傳先宗王得勝進鞏昌楊世俊田連考由秦州出伏羌迭要寇於甯遠禮縣敗之乘勝克渭源狄道兩城并破狄道城東牟佛諦堅堡公遂令各軍憑洮設守奏曰甘南各軍乘崔禹李米諸逆竄陝敗歸截勦疊勝連復渭源狄道兩城平諸卡寨機勢尙爲迅利以局勢論之宜長驅并進規復河州惟自秦州迤西而鞏昌而狄道四百餘里中間渭源屬境二百餘里彌望蒿萊人煙斷絕大軍前進後路須節節設防以護運

道防兵多則進剿之兵少察看河州賊勢未可虛弦下之非  
俟北路甯靈肅清由蘭州出兵難期得手論兵勢須防後路  
通餉道諭賊情須斷句結取遠勢未可重剿輕防致有疏失  
也

上題之甲申馬化灤遣老弱回民詣營乞板橋犁橋吳忠各廢堡  
耕作而中路回王洪亦請修秦渠蔭田冀以奪永甯洞水口  
劉錦棠知其詐佯許之而先爲三伏永甯洞下橋乙酉王洪  
等果糾胡家堡各回至伏起突擒王洪斬之乘勝拔馬八條  
馬七兩寨其時胡家堡至海子墩洋麻湖大沙井新麥垂熟  
六月劉錦棠金運昌督軍分道收割回眾出爭乘間破海子

墩杜家寨而其間王紅連寨尤大丁未會金軍進攻先奪寨外禮拜寺支礮其上而分軍攻其西北寨中礮石如雨譚拔萃率壯士豎三梯而上墜而復登者數軍功張俊肉薄先登遂破其寨誅王紅連殺回眾千餘官軍傷亡亦數百人其時金積回取糧河西通昌通貴兩堡必繞道東南郭家寨在吳忠堡正南癸丑合軍攻克之丙辰復破其東北一寨於是公檄雷正綰黃鼎復整軍北規峽口而自固原進兵以馬家河灣爲要隘韋州堡爲間道其間已撫回目皆潛受馬化滻僞封爲其用公迺召馬家河灣回馬忠海至平涼計事而遣馮桂增率千五百人疾出圍其五堡悉捕誅兜黨并獲所掠官

軍軍裝衣幟及通逆書遂誅馬忠海定其地同時令丁賢發  
軍佯爲自韋州堡進兵回目蘇兆明先匿金積回數百人堡  
中聞官軍至遽遣出遁丁賢發以百人徑入屯堡中蘇兆明  
率其黨謁丁賢發遽收斬之而安撫其眾雷正綱黃鼎遂總  
各軍北進公旣清中路陝回敗散受撫者先後已數千人迺  
就平涼安置奏曰辦回之道與辦髮逆捻逆不同髮逆蘿髮  
捻逆拋棄馬械卽與平民無異故戰勝受撫給以免火牌票  
資遣歸家措置得宜即可相安無事其無家可歸及悍驚不  
馴者或羈之營中鈐以軍令編管既密久亦相忘回則不然  
與漢民積仇旣深婚姻不同氣類各別彼此相見輒起殺機

又種族攸分狀貌亦異雜一回民稠眾中令土人識別百不失一回民中豈絕無知順逆思拔來歸者然久處賊巢既苦頭目之侵陵迫脅甫離巢穴又畏漢民之報復尋仇當死生莫卜之時靡不依違其間以求苟免此解散之難也以陝回人數計之從前無事時散處各州縣丁口奚啻數十萬見計除西安城中土著兩三萬外餘則盡族西行陝西別無花門遺種即合金積河狄西南涼州等處見贖陝回計之丁口亦不過數萬其死於兵戈疾疫饑餓者蓋十之九竇回族千數百年未有之浩劫區區遺種既無歸陝之望就甘地安插而甘民痛定思痛又不免他族逼處之虞此安插之難也疊奉

諭旨不論漢回祇論良莠仁育義正之懷昭然若揭回民豈毫不

知感無如仇鮮四結每苦無處求生莫知禍之所屑臣維解

散安撫實辦回不可少之著因於經理屯墾之餘劃出荒絕  
地畝以處求撫之陝回見在平涼大金溝等處收撫陝回老

弱婦女及丁壯約數千人均給以牲畜籽種課其耕作與賑

撫各屬災黎招輯屯墾一律辦理以廣

皇仁

書牘卷十一是年與李少荃伯

相書云回之錯居中國自古而然徒戎尙難何況議飄欲比花門種類而盡之無論勢有

不能亦理有不可入關之始卽奏分別勦撫蓋不得已也竭誠力行已閱三載至今歲春夏乃見微效安插平涼者尙祇數千惟獲訊金積狄河回目亦知平涼安撫之局實出至誠陝西各回酋始無詞脅迫諸回馬化謹亦不能挾陝回以爲重然如馬化澗父子則實無撫理而又不可深閉固拒以絕甘回求撫之心此誠難而又難也

是月李公鴻

章行至潼關以天津民教肇鮮

召還

按書載是年有復總理各國事務衙門書云秦西各國與中國構衅類皆挾持大吏以鈴東華民至拂輿情犯眾怒則亦

有所不敢津郡事變之起由迷拐激成百姓羣起與之爲難雖受迷無據而幼孩百許童貞女屍適從何來王三雖未承招武蘭珍則生供具在不得謂無其人無其事也百姓之鬪起事出倉卒非官司授意致然豐領事且以洋槍擬崇大臣天津令從人已受傷矣其時欲爲彈壓亦烏從彈壓之愚見法使所稱四層如志在索賠了結固無不可通融若索民命抵償則不宜輕爲允許一則津郡民風彊悍操之過蹙必起事端萬一如該公使所言激成變亂中國有蕭牆之憂各國豈獨無池魚之慮且津民鬪然而起事出有因義憤所形非亂民可比正宜養其鋒銳修我戈矛隱示以凜然不可犯之形徐去其偏未可以倉卒不知誰何之人論抵致失人和彼如以必欲抵償爲言則倉卒莫得主名在我本爲有詞儻更濫及無辜怨毒益深卽彼亦多不利各國以通商爲利以眾怒爲最亦必自知設法轉圜無須別作計較也仍

詔公兼顧陝疆七月戊辰劉錦棠奪蔡橋水口拔其旁堡寨二遂

沿秦渠攻王洪寨未克而金積回據蔡橋西隄逼兩渠水下灌丙子會金運昌軍越隄築壘其上寇大出戰一日敗退戊寅壘成決水反灌寇軍寇復築隄以禦而傍馬連渠爲三壘以抗板橋軍甲申分道力攻克之自是金積與胡家王洪陽明各堡中隔而河西糧路亦斷於時雷正綰黃鼎已破張恩堡與徐文秀會師進牛頭山公增遣陳廣發馮南斌先由四百戶渡河扼峽口北岸戊子雷黃軍攻峽口壘金積援寇大至黃鼎軍牛頭山擊卻之峽口寇不支圖渡河西竄爲陳廣發軍所扼復還伏壘中各軍乘之入立奪其五壘殲積寇殆盡峽口既得金積回日引眾來爭輒爲官軍所敗迺憑漢渠

拔古靈州以守甲午徐占彪夜襲古靈州城寇走丁家堡合軍進攻戰三日克之八月戊戌乘勝破漢渠旁堡寨二十餘遂逼洪樂堡而壘距金積堡西門十數里馬化滻使眾堅守老馬家丁家各寨復增壘石屹塔由家橋以護洪樂堡而西北倚秦壩關通馬家灘接濟當是時劉錦棠駐東南李花橋金運昌駐正北蔡家橋迭破橋西卡壘而礙於秦壩關與洪樂堡各軍不相應丙午會金運昌軍進攻秦壩關徐占彪亦出軍石屹塔分寇勢攻一日未能下馬化滻益於堡東增壘丁未遂軍攻破之遂逼東關修礮壘東關者堡東迤北屢市關外環堅壘築甬道屬之堡門回民所聚處者也辛亥堡中

回絡繹出援劉錦棠分軍禦之益趣築壘相持至夜深援寇敗退迺逐破轟擊守寇大亂軍士乘勢奪門入焚廬舍三千所關外卡壘二十餘悉平之劉錦棠遂迄軍東關雷黃軍時亦迭破老馬家石屹塔各寨壘於是議分段鑿塹長圍以困之是月黃萬友卒於軍於時天津教案平而法方兵敗於布洛斯據其主路易非斯公策法未卽亡當遣使布法居間爲解上書總理衙門言其事按書頤卷十一是年有上總理衙門書云泰西各國雖尙兵爭然遇  
有人爲之和解調停亦知敬慕縱各是其是兩不相喻然於居間者無忤也布洛斯卽普魯社久爲法所侵陵銳思報復  
精製後膛螺絲開花大礮法與英不能敵也法之敗聞由於此舊取布之義耳礮與法人新造飛輪礮玩之則義耳意匠精緻極開花礮之能事非飛輪所可同語卽一物之微而法布盛衰繫焉布商來中國者不似英之狡法之微如能以息

事安人之說動之則仇既復而忿亦解宜可從也法恃其槍  
礮輪船橫行海上兵以不戢而自焚而國勢尙彊人心尙固  
其主路易非斯鑿擊破命以蹟武爲英吉利所放還以寬厚  
國人戴之茲雖被擄失位法國不卽亡也我於此時姑樹德  
焉法如知感布亦安之雖英亦將頌義不暇何患之能爲數  
年以後閩局輪船日多駕駛日熟器械日精中國且得以鞭  
箠使之矣傳曰天子有道守在四夷又曰禮失而求諸野儒  
亦有合於此芻蕘之見伏希財察按是書又有云寄諭以  
江西漏洩機要致貽口實教疆吏慎密固亟應遵行然既已  
有所傳播彼又挾之爲論端似不必更有所隱方津事之殷  
乎也彼方虛詞恫喝電本國調兵船入津門我能無戒備申警  
乎彼如思逞疆吏自應防患未然豈能束手以待正詞斥之  
彼似無可藉口謹附陳及之

九月乙丑黃鼎軍乘馬化漋乞撫入據洪樂

堡湘皖軍方修築壕壘日夜與寇搏戰期中路各軍合長圍  
軍攻秦壩關丙子余彥祿率陝回千餘人自堡西潰圍出劉  
庚午至甲戌黃鼎雷正綰徐文秀悉下洪樂堡菊名寨遂合

錦棠急起截擊寇乘官軍方破秦壩關遂掠蜀軍後趨漢伯  
堡竄河西別黨南竄預望城自秦壩關既下長圍迺合獨王  
洪陽明棗園各寨及漢伯堡尙逼處壕外丁卯合軍攻漢伯  
堡阻水不能進迺遣兵東北攻棗園三堡破之十月丙申復  
大舉攻漢伯堡囊沙填壕進二鼓寇穴牆竄出官軍四面擊  
之斃寇凡六千人其南竄之寇已亥至半角城屯軍周紹濂  
再敗之魏光燾復擊之固原西山餘寇走會甯靜甯公檄李  
耀南楊世俊出安定要之當是時中路進兵金積堡自平涼  
至前敵各軍連屯三十餘營按程設局轉遞軍裝軍火糧餉  
寒衣棚帳各營更番迎護車駄駱駝日夜相屬於道而自平

涼逾固原以抵靈州九百餘里其間崖壑重險土匪奸回及竄出逸寇倏忽狎至勞險不可殲述

上以金積堡攻逾年未下

寄諭讓公曰陝甘回匪滋事以來朝廷大張撻伐命左宗棠爲欽差大臣督兵剿賊每歲撥用餉銀不下八百餘萬兩該大臣於用兵籌餉事宜有所陳奏立見施行畀任不爲不重迺抵甘以後雖屢報勝仗總未痛埽賊氛致金積堡一隅之地日久未克逆首稽誅軍務安有了期竭東南數省脂膏以供西征軍費似此年復一年費此鉅帑豈能日久支持該大臣捫心自問其何以對朝廷公具陳戰狀曰臣維金積堡城周九里有奇東自吳忠以至靈

州堡寨共四百五十餘所見僅存王洪楊明兩堡西自洪樂  
老馬家寨以至峽口張恩堡堡寨關卡共一百二十餘所見  
僅存大河中洲馬家灘四堡餘皆一律埽除劉錦棠一軍自  
金積東面紮至南面金運昌一軍紮北面距逆堡半里許或  
一里西北徐文秀正西黃鼎西南雷正綰延紮營壘距賊堡  
一二里或三里北與金運昌接南與劉錦棠接掘壕兩道一  
禦堡內竄出之賊一禦堡外來援之賊壕深不及一丈以其  
地瀕河爲積淤所成平地掘三尺則見水不能深也見於牆  
上壘土爲隄合高深共二丈餘壕闊三丈勻撥各營晝夜防  
守正隅分布鎖圍已成飛走絕迹賊中渠魁馬化隆聞被重

創賊勢衰蹙可想而知惟金積堡城高近四丈堡深厚約三丈堡中有堡呼爲王城其高厚亦如之中間牆壁縱橫渠水環複尺寸皆堅馬化漋從前詐降後一意築掘廣儲槍礮增險負固蓄謀已久地勢之難攻如此自乾隆四十九年馬明心蘇四十三以新教煽亂伏誅後根株未淨萌孽潛滋至馬化漋而復熾其教輕生好勝兇狡忍鷙較回中老教爲尤甚此次馬化漋尚有乞撫之說其黨族則一心作賊并不求生堡寨將破時先刃其家屬或投諸水火迺解衣格鬪死而後已其堅悍如此賊中子藥尚多每攻一堡將目多有傷亡賊中乏糧者雖三分有一而馬化漋積年所儲猶支數月攻堅歷無

善策地道既以土薄水淺不能成功開花礮彈卽測準施放  
炸裂之後多爲牆壁隔閡勢難透遠臣所購西洋普魯社卽  
布洛斯之義耳礮軍中所稱後膛開花螺絲大礮者也力大  
有準近日攻克各堡多得其力賊膽之寒亦在乎此然堡城  
係泥土所築非磚石壘砌而成屋頂皆平而四角微低傅泥  
土極厚礮子落街上穿牆則開花後多所轟斃若墜屋頂而  
已開花則鐵片直下無力或隨勢溜落不能奏功以之橫攻  
堡牆則牆厚三丈礮子不能穿透在土中開裂亦不能澈底  
掀翻故攻堅羣推此器而用之不能曲盡其妙亦賊之堡屋  
有以限之此地道不能開炸礮不能破之情形也臣原擬攻

克峽口即可放秦渠以渰金積放漢渠以渰各堡迺峽口甫得而湘軍已破金積東關遂營駐之若圖開放渠水必令湘軍預爲遷避迺可無論兵事有進無退萬無令其遷避之理設令其遷避引水苟遲久無功臣將何詞以自解湘軍既進東關則峽口兩渠且宜閉塞來源以期安心攻勦而攻堅必損壯士見在各堡寨雖已埽除殆盡而各軍將士傷亡實已不少前奉

諭旨仰窺

聖意以用餉多而程功緩無以上對

朝廷臣比宣示諸統將冀各發天良俾得迅速奏功稍寬咎責而

察看近時每戰必捷而傷亡更多臣若再爲峻督恐或冒昧圖功轉致僨事合無仰懇

皇上天恩稍寬時日冀可從容就緝以慰

慈厪敢有擁兵觀望攻勦不力致失機宜者無論統領營官臣當據實奏劾按軍法治罪如臣敢含糊徇飾顛倒是非并請

皇上明正臣罪以爲不忠者戒其時寇勢實已窮蹙漢伯堡旣克獨邇東王洪楊明兩堡對峙扼靈州西南要道劉錦棠益激厲士卒進攻癸卯合圍楊明堡仰攻一日一夜寇勢不支乙巳縱火突圍出伏起擒逆酋楊洪開斬之方進攻王洪堡會公偵崔偉禹得彥等糾眾將自鎮番繞草地來援檄各軍戒

備迺還師攻河洲馬家灘以防援寇是月河洲回渡洮河擾  
靜甯合前金積竄回餘黨敗屯將蕭賞謙會公舊部將劉明  
鐙楊芳桂自閩至令率所部出扼靜甯寇還掠通渭秦安圖  
竄清水楊世俊大破之邵家堡追至鐵爐坡寇遁入南山閏  
月復出擾徽縣兩當趨隴州各軍合擊破散之劉錦棠圍馬  
家灘督各軍喋血圍攻連三十餘日寇傷亡山積猶死守而  
金積回以鎖圍合飢困尤甚迺悉驅陝回堡外公度其勢已  
離遣降回劉秉信詣軍前招撫來投者先後數百名甲申馬  
化灘以大軍久攻馬家灘謀乘虛犯東北壕牆突出官軍偵  
知之先伏軍以待至夜半寇由堡根潛趨東北越壕攀堞而

上官軍槍礮進發殲寇無數於是逼東門築崇臺安礮以瞰  
堡中寇益兇懼十一月壬寅陝回陳林等率老弱回民八千  
人跪壕外乞撫劉錦棠受之分置丁壯各營而處婦女壕外  
馬化漋迺因陳林願輸糧賑壕外婦女求解馬家灘圍使受  
撫許之於是入收馬家灘馬械遺回存者千餘人令平堡寨  
居故處丙午王洪寨亦平堡寨以降馬化漋見撫局已定丁  
未隻身詣軍前請罪將士咸欲誅以雪憤劉錦棠馳使告公  
而令馬耀邦平毀堡牆繳馬械籍戶口待命於是余彥祿等  
自河西率眾千餘相繼來降陝回存者男婦共一萬一千有  
奇公令分起解赴平涼處之平涼華亭界化平川自是甯靈

無陝回種人前山西按察使陳湜時總公軍營務公遣馳詣金積堡以河西王家疃各堡未下留馬化灌軍中密奏曰關隴安危機括全在金積金積一克全局已在掌中見在首逆就擒勒其繳械平堡而鎖圍如故馬化灌稔惡三世謀逆已久蓄機甚深縱有後效不敵前辜暫若從寬必滋後患臣早知爲

國家必討之賊而此時議暫緩其誅者王家疃堡非猛攻所可驟得金積既克其勢已孤以馬化灌徇之宜可速下若先誅馬化灌回首或懷疑畏必滯戎機王家疃一下通昌通貴無難料理至河州馬占鼈早有就撫之意西甯馬尕三自援金

積敗歸已略識兵威尙非所急約金積堡城平毀後先圖王  
家疃王家疃撫定後馬化漋父子兄弟親屬夥黨重者誅夷  
輕者遷徙迺收全功至馬化漋所以公爲戎首者以新教惑  
眾斂錢以貿易經營致富又據金積膏腴之地侵佔漢民產  
業富甲一方故蘊利生孽也臣見飭諸統將平毀堡城後凡  
馬化漋親屬財產勒令悉數充公以之頒賞將士賑撫地方  
庶天理得人心順而

國法亦伸又聞該逆於北省各口開設店鋪分布夥友領本營  
邏籍以探聽衙門消息交結回民洋商尤爲可駭臣自燕齊  
反旆而西張曜自豫入晉各省回商皆馳報陝回金積堡此

其明徵臣擬竣諸務就緒後次第奏明辦理惟事機未可輕露端倪局外不悉情形必且憑空揣摩徒滋議論此任事之難也

上從所請家書是年寄諸子書云金積堡鎮圍久合馬化謙隻身就擒若論敷衍了事亦可結局然此賊謀逆已久蓄機甚深此時若稍鬆手將來仍是西北隱患且戎狄之患最難收拾本朝都燕以九邊爲肩背尤不宜少留根荄重爲異日之憂不比陝回由積鮮私鬪起事尙可網開一面也度隴以來先注意於此雖同事之牽掣異己之阻撓朝廷之訓飭皆所不敢屈幸如此了結寸心迺安若論其事之難則趙元昊始終爲宋患河套爲明患聖祖之征準部撫定蒙古而眾建之一時名臣名將所綱綴其計畫亦無以踰此又有云吾邊督陝甘有代爲憂者有快心者有料其必了此事者有怪其遲久無功者吾概不介意天下事總要人幹國家不可無朕甘陝甘不可無總督一介書生數年任兼圻豈可避難就易哉

十二月馬化謙遣人至王家疃招所遺何生洲等數

百人歸金積就撫癸酉金順張曜軍克王家疃己丑通昌通  
貴兩堡回亦詣黃鼎軍降崔偉等聞金積堡破自涼州引還  
是月甘軍范銘部卒叛於岷州先是周開錫以范銘軍尤劣  
雜前後調所部十營駐鞏昌以孤其勢奸黨尤芝政等遂劫  
餘眾倡亂范銘不能制棄軍逃周開錫遣楊世俊張仲春往  
討公具狀以

聞且奏曰臣維隴事之壞在從前餉事艱絀日暮勇徵兵不能立  
營制定餉章惟倖目前無事是非之不明威令之不行也久  
矣故逆回而外土匪橫行潰軍迭起今欲轉弱爲強去冗雜  
而求精實開辦之始成效未著議論必多臣不敢因此而有

所撓惟當慎以圖之 是年二月周夫人卒於家

書牘是年與揚石泉

書云屏軀自嚴州患瘻後卽病腹瀉七年之疾至今未瘳春間復抱亡妻之戚忍哀割痛以就王事形未瘁而神已傷計西事粗定亦將辭公爲墓銘以寄

書云爾母賢明淑慎常履憂患終身不知安閒享受之樂此可哀也執筆爲墓銘不敢過實然心深傷矣

按是年家書有云何三在家看門老實而晚景不佳爾母在閑時曾說過給與一名勇健吾諾之惟念勇之口糧不可給家丁是以久未給與予亦且忘之今

寄信若農勸撥養廉銀二百一兩六錢交爾給何三以了此項蓋四年勇費之數按周夫人至閑在同治五年茲因周夫人歿始憶及之故給以四年勇費之數也

十月作西嶽廟碑